



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Parallelia Geographiae Veteris Et Novae**

**Briet, Philippe**

**Parisiis, 1649**

§. 1. Nomen.

**urn:nbn:de:hbz:466:1-13167**

## LIBER PRIMVS.

*De Germaniâ Antiquâ cum Regionibus Germaniæ  
postea adiunctis.*

## CAPVT PRIMVM.

*De Antiqua Germania in genere.*

§. 1. *Nomen.*

**P**RIMVM incolarum eius nomen est THEVTISCI, non à Teutonibus populis qui Danicas Insulas coluerunt, sed à voce *Theust*, quæ veteri linguâ Germanicâ *Deum* sonat, ut probat Cluuerius.

Secundum GERMANI, quod concessum est primùm iis populis, qui Rheno transgresso dixerunt se *Tungros*; hoc enim Galli linguâ suâ dixerunt *Germanos*, hoc est *viros militares*, ut diximus in Belgicâ. Quod autem quidam sic dictos volunt à Romanis, quasi essent Gallorum *Frates*, minimum hallucinantur.

Tertium CELTÆ, quo nomine non tantum dicti sunt ab Antiquis *Galli*, sed & *Germani*, ut pluribus doctissimè probat Cluuerius. Lipsius quidem voluit nomen Germaniæ vicissim Galliæ concessum esse, sed rectè confutatus est ab eodem Cluuerio cap. x. lib. i. Germaniæ Antiquæ.

§. 2. *Quantitas.*

Hos Germaniæ terminos assignat Tacitus. Separantur à Gallois, Rhætis, atque Pannoniis Rheno, & Danubio Fluuiis; à Sarmatis, Dacisque mutuo metu, aut Montibus separantur; cætera Oceanus ambit &c. per montes intelligit Sarmaticos, & Carpathem: ubi sit constituendus locus mutui metus dicemus in Sarmatiâ.

Non diffitentur tamen doctissimi Geographi Antiquis, & posterioribus temporibus Vistulam Fl. seu Vistillum fuisse Germaniæ

A ij